

Diad galang na María ag atilolay na casalanan

CATIPONAY CABALICSAN

NA

MASANTOS Á ROSARIO

SAY INPAŃGUPAALAGUEY

ED ROSARION NAYNAY

PLAN ONCANAN

BANTAY NEN MARÍA

SARAY INDULGENCIAS TO

Cuarta edición


MANILA

IMP. DEL COLEGIO DE SIO. TOMÁS

1897

7

2d item
bound in by
error is
Pangasinan



DIAD GALAÑ NA MARÍA AG ATILOLAY NA CASALANAN

CATIPONAY CABALICSAN

NA

MASANTOS Á ROSARIO

SAY INPAÑGUIPAALAGUEY

ED ROSARION NAYNAY

PIAN ONCANAN

BANTAY NEN MARÍA

SARAY INDULGENCIAS TO.


Oncanan egnaanday cailianes ya onloob ed sayan
moyong tan saray manonaanda.

Cuarta edición.

MANILA

IMP. DEL COLEGIO DE STO. TOMÁS

1897







PARUNĠTAL



I.

NIPAACAD ED SANTO ROSARIO.

1.^o Say masantos á Rosario, ya imbangat na dilin Vírgen ed ama tin Santo Domingo guinaoad labin liman misterion manona na inpambilay nen Jesús, tan si María; limaray misterioy liquet, limaray ermuén, tan limaray gloria. Balang saquey ed labin liman misterios patombocay saquey á Amami, tan samploran Ave Maria, ya Inagalang ed comaplo.

Say pandazal na Rosario alioan arum, no ag say pandalepdep ed saray misterios legay bibil tayon mamibitlad saray Ave María.

2.º *Say cablianto*.—Say masantos á Rosario, ya guinaoad saray dazal á sancataguian tan dalepdep á macapatenieg na poso, saquey á ayaryarin panamagalang ed María tan si Jesús á madiviron Anac to: malioaoa tan mainomay ya agamil á oncanad saray maliquet á mandalepdep ed saray ancataguey á bangat na masantos á pananisia tayo, tan macapasaguiat ed panguitood ed gaoa na saray cavirtudesan. Saquey á ayuran ag naraég, á pibical ed saray cabusol na quilalaban tayo: saquey á macsil tan mabisqueg á dalán á caomanay maogues á oalna tan macapasantos; tan saquey á ag

naecatan á sobol na indulgencias tan cacanaan.

5.º *Say panagamil.*—Paisulat ed libro na saquey á Cofradía ya pinaabig na macaoley á Padre; mandazal na masimoon á Rosario ya angan maminsan buenğat ed saquey simba, tan ditan dalepdepuen toray misterios, tan mansolong na cuentas á bininditaay Padren Dominico ó angan arum no oalay abuloy na Santo Papa, ó saray macaoley na Papadren Managpolong á cuan.

II.

NIPAACAD ED ROSARION NAYNAY.

4.º *Say Rosario naynay saquey á nanaguian pian mandazal na Rosario ed labi tan agueo ya andi*

teldan, pian ited ed María so nay-nay tan andi tondan pamagalanġ; tan nagamoran ed sicato so mag-nayon á panġampaya to. Sayan moyonġ sicaloy mangagaoa diad dalin na Guardia de Honor (bantay) na Reyna ray Angeles: saray cailianes na sayan moyonġ onotobotob ira ya ompasen ed ganaganay horas na agueo tan labi, pian mandazal ira na Rosario, tan napagalanġan irad marayeo á nġaran na Caballeros ó bantay nen María.

2.^o *Say inpanġuipaalaguey.*— Say mapagalanġ á Padre Fr. Martin Petroné, ed religión day Dominico, sicaloy inmona onan anġui-paslecay Dios no canonotan ed sayan masagradon paalaguey; canonotan ya ag abayag so inpagaoa toy bendicioy taoen tan saray ma-

santos á Papa. Daquel á Papa, tan masoloc ya anemaploy libo á tood baley na Roma tainpol á inacora, tan linmoob ira. Si Papa Alejandro comapitod sayan ngaran, Inocencion comalabin saquey, Clementen comapito, tan si Pio á comanem inabobonan da tan pinanoray ancaamay á indulgencias. Say bilang day cailanes ó agui agui, ontanlan quinaraclan, ta diad lambuengat ed España tan Francia duan lasus libo so bibilanguen; ya oalaran pangolora so amaraquel a Obispos tan conventos na Religiones.

3.^o *Say incabangon to.*—Sayan devoción, angaman tuan puetég ta inagami! laos ed daquel á cabalbaleyan, singa diad España tan diad sayan Polpolo ya angad sarayan agueo, tan natan caplesay ca-

ralitan ed sicato, bang balet, diad saray arum á dalin singa diad Francia á catonda, tan saray arum ya agamil á masantos, á singa apasaguitad goló ya ontanla, ta angapo oari nacdaan ya angan saquey á pacasalangbit ed sicato. Et saray Padren Dominico á manaayam ed Conventora ed baley na Lyon, tan manonay Padre María, nanlinaoaran amançon ed sayan devoción ed nasnaspot á incagaoa; ta tinipon dara ed libued libued nen María so bantay to ya manguiaguel ed galang to tan ibalesan dad saray cabusol to. Say ninonot da tinood dad gaoa tan agamoran da so marayeo á inpanguigapora. Sannen taon á sanlibo oalon lasus limanplo, tan oalo so ingapo to á guinaoay baleg á fiesta, tan natan manbibilang lay duan lasus libo ya

inpaisulat; tan lapud tolong day
daquel á Obispos tan saray ma-
nagpolong manarúm ya agueo agueo
so biláng to. Sicami talaga min
ipacabat natan so sayan devoción
ed ganaganay cristianos católicos
ed sarayan Polo ya oalad sirum
na panangüiesel na Virgen del Ro-
sario.

4.º *Say pamaacaran to tan ca-
canaan to.*—Say inmonan caabigan
na saquey á gaoa say caplesan á
pancaocolan ed sicato: Lapud saya
manlamot ed calapagan, magnáyon
tan manbilay ed sicara tan ma-
ngüited na daquel á caabigan.
Mainomay á bidbiren ed Rosarion
naynay so sayan cacanaan to. Say
inmona, ta saquey á naynay á pi-
cacasi á macanan toloy ed mundo
natan ya ontanlan catatalibaga to
á micasi: say comadua, saquey á

sobol na panangasi Dios á ma-
 maabig tan binbaloen tōy mabueblay
 ya catiponan tayo: say comallo, ta
 ipabidbid to ed sicutayo tan ga-
 oaen ton itandoro tayoy María: say
 comapat, mangũited ed sayan Se-
 ñora na bantay to ya mangũiuaguel
 na galang to á bandayen da na
 saray cabusol to, sara lanti herejes:
 say comalima, mangũuilaban ed
 Santa Iglesia onong na guinaogaoa
 to á nanlapo lad inalaguey to:
 say comanem, mangũited na inaoa
 ed saray cacamareruad purgatorio:
 comapito parlanguen toy dalit na
 Cofradiay Santísimo Rosario onong
 á caoculan á songpalen so saray
 buetang na Cofrades na Rosario
 pian macaloob ed moyong na Ro-
 sarion naynay.

• 3.º *Saray buetanġ á songpalen
 day bantay.*—Pilien so saquey á

horas ya ag ialis alis ed balanḡ bulan diad agueo man, ó diad labi tan diad loob tontan, mandazal na Rosarion masimoon ya itomboc toy letaniay masantos á Rosario Virgen. Banḡ yan buetanḡ nayaran songpalen ed loob na abunḡ, diad uma ó angan aned á lugar, dapot no seetan ton gaoaen ed marlanḡ á linaoa tan pacasinopuey calacal. Say ag macasonḡpal ed saya, ag mancasalanan na angan muelag.

6.º *Saray caocolan ed pacaloob.*—Caocolan ta saquey á Cofradey Santo Rosario, tan sosonḡpalen to muet so buetanḡ na incacofrade to ononḡ na asalanḡbit lad onaan. Say Rosarion naynay alioan sanancy á Cofradía á miromad Cofradiay Rosario no ag saquey á bantay na María diad puegley na macapal á ejércitos na

Rosario: comadua, caocolan á ipa-
oit so ngaran tan say horas á pi-
nili diad Conventoy Santo Domingo
ed Ibalí pian say Padre Capellán
itanda tod libroy moyong.

7.^o *Saray tolonggarinḡ to.*—
Say inmoua saray indulgencias ta
onong na nabasad lista ya oalad
caonaan; comadua, saquey á ni-
biig á panguilaban nen María ed
bantay to: comatlo, say pamomo-
yong ed picacasi na libo libon in-
paisulat; comapat, say pinabanḡ to
ed bilay aya tan diad bilay á sa-
quey ed ganaganay gaoan maabig,
cacanaan tan picacasin tolong na
saray nancatloy Orden na Santo
Domingo.

III.

SAY BALON INCAGAOAY SAYAN PAALAGUEY
NA ROSARION NAYNAY.

1.º *Saray gaton gaton to.*—Lapud say Rosarion naynay saquey á ag napated á Corona ya guinaoad manesiab á baton mabli, inalotod iray agueo to, labi to, tan horas to ya indacdatac ed saray Cofrades. Say panaggaoa mainomay tan natalosan ed onguendan ya ibalicas co. Diad lapag na moyong oalay saquey á Capellán to, saquey so Cabecilla ed inagueo agueo ó Cabecillaray bantay, saquey so manonaan day Cabecillas ó Cabecillad binolan bulan: sayan incaala tod sicutoy caoculan á songpalen ed aned man á baley á caoalaan ton yan moyong.

2.º: *Say manonaan day Cabel-
cillas ó panḡolo ed balang saquey
bulan:—*Say inmonan pagaan to so
mananap na manpanḡolo ed agueo
agueo ya pilien toray totoon caba
to ed baley ya pinabli tan maga-
lanḡ ed Dios tan caparan too, in-
san isulato ra ya panbibiganden,
tan itoro tod balanḡ saquey á agueo
á tinandaan, ya ag naoman, alim-
baoa diad inmona, comadua, ó co-
matlon agueo na balanḡ saquey á
bulan no oalay ilalo ton macati-
pon na talomplo tan saquey á too
ya ondatac ed saray agueo na bu-
lan. Naani nepueg tora muet á to-
longan tan saguiaten á managamil
na catooran, tan ganaganay naga-
gaoa buetanḡ ton ipacabat ed Padre
Capellán á saquey á Dominico ed
Convento ed Ibali. Ontan muet sec-
tan to comon ya ibuyac yan mo-

yong̃ ed saray baley á caababay tan mang̃uigaton na saquey á mapang̃olod sicara.

5.° *Sabalet so Cabecilla ed inagueo agueo no oalay agueo á tinandaan*, ya ibuetang̃ to tan atosan to laray agamil na moyong̃, igapo toy mananap na duamplo tan apat á toó, biy man ó no laqui, ya bilang̃ ed horas na agueo ya ibuetang̃ to. No nayari, nepueg ton pilien ira ed saray caababay to, cacanayon to ó saray cabcabato, pian maalara toran pacabatan. Insan isulat tora á itanda ed saquey á cuaderno ya egnaan to. Balang̃ saquey á onloob á micailian ya acoen to, nepueg toy mang̃uited ed sicato, no nayarian to na sayan libro tan saquey á cédula ó sello na moyong̃.

Ugalin guendat á paolian ira á manpili horas á calictan da; an-

gaman ontan, bang no oalay nacd-
 daan ya horas ya popoletan, alag-
 den cod saray malabay á micailian,
 ta acoen da comon, lapud arorad
 María, so horas ya itoro ed sicara
 angad diad horas na labi. Outay
 nasasali.

IV.

SAY PANAGBANTAY Ó PANANONGPAL NA
 HORAS YA IBANTAY.

Say pamaacaran na Rosarion per-
 pétuo say panguitandoro, tan pa-
 nguitaotaoag ed ganaganay horas
 na agueo tan labi ed sancasantosan
 á Marían Inay Dios tan ina tayo,
 cababales na buetanğ tayo ed sicato,
 lapud saray ag nabilanğ á panañgasi
 ya naynay, á nanaoat tayo ed do-
 nunğ to, tan pian natangoyor ta-

yon mamayacseb ed sicutayo na saramay agueo agueo á cacaocolan tayo, ontan muet na Santa Iglesia tan saray capara tin toó.

Diad agueo á ibuctang to, manconfesar tan mancomulgar, no nayaran to, et no andi, mansibquel ed saray casalanan to. Yan tod nonto so pangala toy indulgencia, tan mantalimocod á legan ton manosongpal na horas, ó diad macana tan manepueg á nayaran to. Say inmonan cagaton á Rosarion dazalen to ipabtang tod saray oalad casalanan: say comadua diad saray manpapanabos, say comatlo ipaacad tod saray cailian na Santo Rosario, ya mabilay tan icatey.

Balang saquey á bantay nepueg toy manguibuybuyac na devoción ed masantos á Rosario, tan ayaten toran ouloob ed moyong so

ganaganay toon naaya to. Manso-
longñ laogas na cuentas tan manda-
zal ya agueo agueo na Rosario
onongñ ed matood á cristiano. No
diad buengñatlan agueo et ag to na-
variay manbantay ó manongñpal na
horas to, lapud mapueguet á capa-
gaan á sinmabid sicato, pasandian
ed arum, pian ag napated so nay-
nay á pandazal na Rosario; et
inguen ag tora naalay indulgencia
no ag samay sinmandid sicato, no
saquey á camoyongñ tan saquey á
Cofrade: no nagaoan maminsan ya
napaolian toy horas to lapud im-
pacalingñanto, ó arum ya acase-
ngñeg, ag mancasalanan.

PICACASI

NO ONGAPON MANDASAL NA HORAS.

Pigapigan salamat so nepueg con-
ited ed sica joh Ari na masantos

á Rosario! lapud inpanğacom ed siac ed biláng day anac mo. Say nagaoan Anac mo lugan toy gaton na Anac na Dios Ama, tan macapiagui ed Jesucristo. Say saquey á Anac mo naala toy nagnap á pancatonungān ed graciay Dios tan nanariay taoen, nigaton á saquey ed mataoen á caboleg mo, tan gamod toy pananğuiaguel mo, tan mainan panagecaoalo. ¡Alay quinabalgay capalaran co! Calictān coy managamil na matood á cababales ed saray buetang ya nepueg co lapud sayan capalaran. Ipaliis mo pa ed siac so matabang á linaoac, uñuiras, tan panğilingoan; pacolien mo ac, tan paraliten mo ac ed gaganay gaoan macapaliquet ed sica tan oncanad galang mo. Et natan joh Ina! ta dasalen coy horas na masantos á Rosario, ipuelag mo


pay panang̃asim ya naneng̃oeñg ta-
can macaarap ya ibac iray gana-
ganay mang̃uirayeo ed sica ed sa-
yan horas muet, diad sayan ma-
santos ya agamil; nibalicas co co-
mon á mablas so saray madios á
salita, nadalepdep co tan uamotec-
teco ray sancataguan tan sanca-
ralman á Misterio, tan naburbur-
coray daquel á bong̃a ya oucanad
galang̃ mo tan quilabay camare-
ruac. Ontan pa comon.

DAZAL Á PAÑGUIPATANID

NA MASANTOS Á ROSARIO NO NASUÑPAL
SO HORAS.

Oh María! Itandoro tan irayeo
dacan andi teldan na saray anac
mo á Cofrades na Santo Rosario.
Iaboloy mo pad Santa Iglesia so
pananalat; panpataolien mo ray ma-
nagcasalanan, saray herejes tan bug-

calot; pabisqueguen moy linaoara tan liglioan mora so saray manpapanabos, tan itdan moray inaoan andi angaan so saray cacamareruad purgatorio. Ibunã mo ed sicamin amin so mabonan bendición, tan ipagamod mo ed sicami so saray indulgencias na Santo Rosario, macapinabanã cami comon ed saray cacanaan day anac na Santo Domingo, tan saray picacasi tan maabig á gaoa na ganaganay agagui mi á Cofrades, ta oncanan dayeo mo tan coronam ed tooen. Tan siac, maabueban devotos ed sica, ited mo pad siac so nibiig á bendición mo pian mansiansia ac ed sayan masantos á gaoa.



V.

SARAY INDULGENCIAS YA INABOLOY NA MASANTOS Á PAPA PIO Á COMASIAM Á NILUGAN ED SULATO Á FECHA TOY DOCE ED BULAY ABRIL NA TAON Á SANLIBO OALON LASUS ANEMAPLO TAN PITO, YA AMAABIGAN TO, YA INDAYDAYEO SO BALON PAA-LAGUEY NA ROSARION NAYNAY YA TINAOAG NA: «GUARDIA DE HONOR» BANTAY NEN MARIA.

Diad cayari masantos á Papa ya anguirarayeo ed macapaquelquelao á caabigan ya guinaoay Cataoan lapud panamuegley na Santo Rosario nen saramay agueo ya impanbilay na mablin Fundador, tan say nibiig á tolong ya alicnaray cabalbaleyan tan asalsalirad Inay Dios incuan to: «Baleg á caliliglioay camareruac so picacabat co ya nilasus á libon cristianos inpaisulat da

so canġaranan da ed balon paalag-
 guey na mablin bantay nen Ma-
 ría. Siac ya comadua ed Dios ya
 panmamatalcan co so sancamapa-
 laran á Vírgen María, tan baleg
 á liquet cod panilaloc ed pacaneng-
 neng co á diad mabuetbuet á pan-
 dazal na Rosario ya á agamilen
 day cristianos ed ganaganay dalin,
 bagbaguen to natan onong muet
 ed inmonan agueo so saray ma-
 rucsan bangat na andon gagatinan,
 pocpocan to tan boyaquen to so
 macapaguiguit á panosongpal na
 saray marucsan too, inaboloy co
 so saray panangasin onguendat:
 Say inmona, indulgencian nagnap
 ed saray oalay buetang á pangolo
 ed binulan bulan ó diad inagueo
 agueo ed moyong na masantos á
 Rosarion naynay, diad agueo ya
 igaporan manguitood na buetang

da, no manpataoliran matua tan manconfesar ira tan mangacora, insan ira ondalaò ed angan dinan á Simbaan tan ditan picasired maralit á devoción só panpacnaay linaoray Príncipes Cristianos, say caerep na incaereges, tan quitaguey na Ina tin Santa Iglesia. Ontan muet iaboloy coy indulgencian nagnap tan caperdonay ganaganay casalanan ed ganaganay Cristianos biy man no laqui, ya inpaisulat, ó no paisulat ed asalitan moyong diad agueo á pandazal dan maralit na Rosario diad horas á tinandaan ed sicara ed balanḡ saquey bulan, no diad satan ya agueo et manconfesar ira ya oalay matuan sibquel da ed casalanan, tan mangacora; insan ira ondalaò ed buengatlan simbaan. Diad caonoran iaboloy co ed saray cabecillas tan saray ma-

nonaan da so caperdonay talon la-
 sus agueo á dusa ya impabtang ed
 sicara, ó nepueg ya ipabtang, lapud
 oalay macasengueg diad laos á pa-
 caayat da, lapud aro rad caparan toó
 na saquey á Cristianon paisulat ed
 masanton moyong na bantay nen
 María, ó no diad laos ya idagoran
 onimaton ed pantitipon da, tan diad
 pamarlang day dalit day cailian á
 mandazal á naynay na masantos
 á Rosario, ó diad panagamil dad
 dinan man á gaoa ed saray iga-
 gangan ed moyong dapot no diad
 cuan dan mangugapoy asalitaran
 gaoa, dazalen da nin maralit, tan
 manpataolira nid posora so himno
 á cuan to, «Galagala ~~ó~~ Dios Es-
 píritu Santo», insan taloran Ave
 María. Ganagana ran yan indulgen-
 cia, caperdonay casalanan tan pa-
 calocpos ó caocbar ed saray dusa,

nayarian dan ipabtanġ á pinageatolong ed saray cacamareruad purgatorio.

Say sancablian tan sancarlanġan á Sr. D. Gregorio Meliton Martinez, Arzobispo ed Ibali pinaabig ton inaboloy so oalomplooy agueo ya indulgencia ed balanġ cailian, balanġ panongpal toy horas na bantay to; oalonplooy agueo lamuet ed laos ya ondago rad saray funciones na Rosario-ya gagaoen ed ganaganay simba ed ngarem diad simbaay Santo Domingo.

Say sancablian tan sancarlanġan á Sr. Doctor D. Fr. Francisco Gainza, sancacanaan á Obispo ed Nueva Cáceres pinaabig ton inaboloy so apataplon agueo á indulgencia ed balanġ sancagaton á Rosario ya dazalen da na saray bantay nen María ed loob na horas

da, apataplo ed letanía, apataplo ed salve, apataplo ed saray picacasi ya lugar na libron tinaoag na *Guardias de Honor de María*, apataplo ed balanġ saquey á himno tan say patanid ya lugan to, tan apataplo lamuet ed pangayat ed saray arum ya onloob ed sayan moyong.

Ontan muet apataplo ed balanġ saquey ed saray función ya ga-oaen ya sipimba simba ed ngarem ed simbaay Santo Domingo, sara lanti, apataplo ed pandazal na Santo Rosario, apataplo ed pandalepdep, apataplo ed pisermon, apatapolo ed pisalve, apataplo ed letanía, apataplo ed picanta, ó pidazal na himno na *Guardias de Honor de María*.

HIMNO NA ESPÍRITU SANTO

Galagala ó Dios Espíritu Santo,
 Tan ditad taen á pantorongán mo
 Paqitan mo ac na linaoay sileo mo
 A talosen ton oandagay pagueo co.

Galagala amaray duroca,
 Malalang á macanquien, gala
 Ed mataoen á langcap á boná,
 Apuy na posom manangaro, gala.

Managliglioan sancataguian
 Na pagueu ya alietab na cairapan,
 Managaod poson lipos ed caermuenan
 Aclolon matamoy inaoan malalang.

Painaoay sagpot tan banabanal,
 No diad agueo á mapalaloy buetang
 Liquef na camareruan oad caimngueoan,
 Tambayoy nanguis, liglioay cairapan.

Mapalad á sileo ya andi angaay dalang,
 Guenap moray matoor á mananisiam
 Dangal mora na apuy mon marlang
 A diad posora laos á niotlan.

Pueteg, á no andi ca napaoil so toó
 Ed incaangapo á sicutoy lapuan to;
 No andi ca andi nabilay ed mundo
 Bangat no andi ca andi maptee no Santo.

Orasan moy oalad carumsisan,
 Salog moy oalad siac ya nacbuetan,
 Paabig moy saquit con oad caalapan,
 Sica lanti madios á mananambal.

Pacolaney moy ag napiing á poso,

Paralit moy matabang con aro,
 Say poson onsian ed matuan dalan to
 Yacad mod sican nepueg á laen to.

Yaboloy mo pa ed matood ya aripuen mo,
 Ited mod siac á diad sica mailalo
 Mancapiton gaoay pamalangcap mo
 Ipagamor moran nagueguemtan co.

Ipangasim ed sicami cacapaan tan opa
 Na inagamil miran maabig á gaoa,
 Ipangasim ed sicami abig na camarerua,
 Tan diad caonoran say liquet ya andi anga.
 Ontanpa comon. Alleluya.

VI.

CATIPONAN DAY INDULGENCIAS NA RO-
 SARIO, YA INAAN ED LISTARAN YA OA-
 LAD COFRADIA TO, TAN PINAABIG DAY
 CARDENALES NA SANTA IGLESIA.

1.º Saray Cofrades á nancon-
 fesar á nanpataolirad casalanan
 da, tan angacora tan ipicasira so
 oalan ninonot á pamaacaran nen
 iaboloy so saray indulgencia, ma-
 cagamod iray indulgencian nag-
 nap. Say inmona, diad agueo á

ilooob dad Cofradía; say coma-
 dua, diad inmonan simba na ba-
 lang saquey á bulan, ed man-
 comulgar ed simbaan á caoalaay
 Cofradía; comatlo, diad dilin agueo
 muet ed pilibot da, ontan muet
 ed saray fiestay Vírgen ya ibali-
 cas ed onguendan; comapat, diad
 Pascoy Espíritu Santo, tan diad
 duaran Viernes na cuaresma no
 ondalao irad angan dinan á sim-
 baan; comalima, diad agueo na
 fiestay laman, fiestay Santísima
 Trinidad, diad simban ontomboc
 ed fiestay Inquianac na Vírgen
 tan diad comatlon simba na bu-
 lay Abril no dalaoenday Capilla
 na Cofradía; *Saquey nin indul-*
gencian nagnap diad inmonan
 simba na balang bulan: *Nanca-*
duan indulgencia ed saray agueo
 na fiestay Patanid tan indalao na

Vírgen ed capinsan ton Santa Isabel; *Taloran Indulgencia* nagnap diad saray fiesta na Iutoó, Inquianac, Ipanaḡuibanoy Angel, tan Iopamalingas; *Apatiran indulgencia* ed agueo na inquitocotoc na Vírgen no dalaoen á mamipat so Capillay Rosario.—*Indulgencian* nagnap ed balang maminsan ya idalao ed Capilla diad agueo na Inquitocotoc tan agueo na Santo Rosario.—*Saquey ni* ed agueo na Octava ya labayen, tan diad ganaganay, fiestay Misterios na Rosario no dalaoen so Capilla to. Oala ni ray arum ya indulgencian nagnap tan guinteran diad saray arum ya agueo nibiig so simban caonoran na balang binulan. (*Nenḡnenḡuey listay impueguet ed puertay simbabay Santo Domingo.*

2.º Diad pandazal na Rosario nagamoran day Cofrades: so *ganaganay indulgencian* inaboloy ed España ed saray mandazal na coronay Virgen, tan diad saraya saquey so *indulgencian* nagnap; limamploy taon ya *indulgencia* ed pandazal na sancagaton á Rosario ed maminsan ed sanagueo diad Capillay Cofradía, limay taon tan limaran sanepat aplo diad pamitlay n̄garay Jesús ed sang̃pot day *Ave María*. Ganaganay cristianos á mandazal na sancagaton á Rosario nagamoran da so *santalasus agueo* ya *indulgencia* diad balan̄g saquey ya *Amami* tan *Ave María* tan labin anem taon tan samploran sanepat aplo no dazalen da á maminsan ed sanagueo ya oala ray ibara, tan mansibquel irad casalanan da.

Daquel so indulgencian guineteran á naneuñneñ ira ed lista ya asatidad taguey ton ya.

5.º Oalaray indulgencian daquel ed pimisa ó no panmisa na misay Vírgen del Rosario, diad idalao ed saray Cofrades ya agmacayari macaalay taloy taon tan taloran sanepat aplo; saraya muet á indulgencia naala ed pangolop ed bangcayra á yacad ed ponponan.—Diad pamarazal ed saquey á loó na sancagaton á Rosario naalay sanlasus tan apataplon agueo na indulgencia.

Sanlasus taon tan sanlasus á sanepat aplo ed inagueo ed pansolong na cuentas iaoit aoito.—*Indulgencian nagnap* ed ganaganay Cofrades ya manpataolid horas na ipatey da tan manconfesar ira tan mangacora; apataplon

indulgencian nagnap muet lapud nambaban̄guil á gaoan maabig ya nanen̄gnen̄g ed listan asalita la.

4.º Say altar na Rosario ya caoalaay inpaalaguey á Cofradía saquey á Privilegiado ya oncanad ganaganay Sacerdotes Dominicos ó Cofrades na Rosario, tan nayarín inonot ed saray inaatey á Cofrades.—Saray Cofrades nayaran dan ipabtanḡ ed saray caca-marerua so ganaganay indulgencian inaboloꝝ ed sicara. Lapud pamatiquey ed sarayan inolit co ag co lara inian so lugar lugar á pacanen̄gnen̄gan ed sicara.

VII.

MAINOMAY A PANONTONAN ED PANDAZAL
NA ROSARIO.

Manḡoros tan anḡoban ton maralit so medalla ó say Cruz na cuentas, insan dazalen toy picacasin onguendan, no labay:

Micasaquey ac, ó Dios co, ed ganaganay Sasantos á oalad taoen tan ganaganay cristianos tan camoyouḡ ya micacasi muet ed sayan horas, micasaquey ac ed sica, Jesús co, pian nigalang cod manepueg so Inam tan ipuegley to ac tan olopuen to ac á manḡuirayeo ed sica.

Gulaen coray onsalanḡbit á macatalibagad siac ed legay panrosarioc, tan labay con ibalicas

ya imanoen con maong tan diad
magalang tan maralit á pandazal
á singa bilang caonoran lan pan-
bilay co. Isaclang cod sica ya
ipaacad cod pamacaray Santa Igle-
sia tan olo ton masantos á Papa,
say panpataoliray managcasalanan,
tan abig day manpapanabos, tan
pauinaoaray cacamareruad purga-
torio; ganaganay caocolan co ya
abig na camareruac tan laman co,
ipaacad co muet ed pamaacaran day
ganaganay angguimatalec ed Rosario
na incasicara.

MISTERIOY LIQUET.

Ipatanid mid sica Cataoan so sayan tongal-polo lapud galang na misterio.

1.º Na Inpanguibanoy Angel (*25 de Marzo.*)

2.º Na Indalao na Cataoan tin Santa María (*2 de Julio.*)

3.º Na Inquianac na Cataoan (*25 de Diciembre.*)

4.º Na Inpanguiptanid na Nuestra Señora (*2 de Febrero.*)

5.º Na Incatilac nen Jesús tan say inpacalmoy Virgen ed simbaan: (*diad Simba ya ontomboc ed fiestay taloray Ari.*)

Iaboloy mo pad si-cami Cataoan lapud panamuegley na Rosario to.

1.º Say caabuebaan tan ag pangarod laman á dili.

2.º Say panangarod caparan toó.

3.º Say ag pangarot tan ag ialac na poso ed cayamanan ed dalin.

4.º Say adia y poso tan catotoloc.

5.º Ta anapuen mi laos si Jesús.

MISTERIOY ERMUEN.

Ipatanid mid sica Cataoan so sayan tongal-polo lapud galang na misterio.

1.º Na Inpandazal na Anac na Dios ed huer-toy Gethsemani (*Jueves Santo*.)

2.º Na Inpanbaebac dad Anac na Dios (*Vier-nes Santo*.)

3.º Na Inpamalangtan na oloy Jesús na sabit (*7 de Mayo*.)

4.º Na Inpansacbat na Cataoan tin Jesueristo ed Cruz (*3 de Mayo*.)

5.º Na Inpanguipasac ed Cataoan tin Jesu-risto ed Cruz (*14 de Setiembre*.)

Iaboloy mo pad si-cami Cataoan la-pud panamuegley na Rosario to.

1.º Say sibquel ed saray casalanan-tayo.

2.º Say panpairap ed saray lienaan.

3.º Say pamairap ed poso.

4.º Say tepuel ed saray cairapan.

5.º Say ipatey tayo.

MISTERIOY GLORIA.

Ipatanid mid sica Cataoan so sayan tongal-polo lapud galang na misterio.

1.º Na inquiolin á bilay (*Pascua.*)

2.º Na Intocotoc (*diad agueo to.*)

3.º Na Indateng na Espiritu Santo (*Pentecostés.*)

4.º Na Inquitocotoc na Cataoan tin Santa María (*15 de Agosto.*)

5.º Na Inpangoronan Cataoan tin Santa María (*fiestay ganaganay Santos.*)

Iaboloy mo pad si-cami Cataoan lapud panamuegley na Rosario to.

1.º Say quiolid bilay na camarerua.

2.º Say panpiraoat ed taoen.

3.º Saray pama-langcap na Espiritu Santo.

4.º Say devoción ed María.

5.º Say pansiansia ed gracia.

LETANIAI

CATAOAN TIN SANTA MARIA.

Kyrie eleyson.

Christe eleyson.

Kyrie eleyson.

Christe, audios.

Christe, exaudi nos.

Pater de cœlis, Deus. Miserere nobis.

Fili Redemptor mundi, Deus. Miserere.

Spiritus Sancte, Deus. Miserere.

Sancta Trinitas, unus Deus. Miserere.

Sancta Maria.

Sancta Dei Genetrix.

Sancta Virgo Virginum.

Mater Christi.

Mater Divinæ gratiæ.

Mater Purissima.

Ora pro nobis.

Mater Castissima.
 Mater Inviolata.
 Mater Intemerata.
 Mater Immaculata.
 Mater Amabilis.
 Mater Admirabilis.
 Mater Creatoris.
 Mater Salvatoris.
 Virgo Prudentissima.
 Virgo Veneranda.
 Virgo Prædicanda.
 Virgo Potens.
 Virgo Clemens.
 Virgo Fidelis.
 Speculum Justitiæ.
 Sedes Sapientiæ.
 Causa nostræ lætitiæ.
 Vas Spirituale.
 Vas Honorabile.
 Vas Insigne devotionis.
 Rosa Mystica.
 Turris Davidica.

Ora pro nobis.

Turris Eburnea.

Domus Aurea.

Fœderis Arca.

Janua Cœli.

Stella Matutina.

Salus infirmorum.

Refugium Peccatorum.

Consolatrix Afflictorum.

Auxilium Christianorum.

Regina Angelorum.

Regina Patriarcharum.

Regina Prophetarum.

Regina Apostolorum.

Regina Martyrum.

Regina Confessorum.

Regina Virginum.

Regina Sanctorum omnium.

Regina sine labe originali concepta.

Regina Sacratissimi Rosarii.

Agnus Dei, qui tollis peccata mundi.

Parce nobis, Domine.

Ora pro nobis.

Agnus Dei, qui tollis peccata mundi.

Exaudi nos, Domine.

Agnus Dei, qui tollis peccata mundi.

Miserere nobis.

Diad cayari letania tan say oración to nayaran ibalicas so picacasin onguendan, no labay.

Acom pa, Cataoan mi, ed li-may sancasantosan á Vírgen so saray picacasi ya insaclang mid sicayo, tan lapud panangüiesel to iaboloy mo pa ed sicami so quequeroen mi ed sica. Picasi mo cami, mapalad ya Amami Santo Domingo tan say bendición na Ama, Anac, Espíritu Santo lapud panangüiesel na Vírgen del Rosario paacsebuen comon ed sicami tan magnayon laos. Ontan pa comon.

SALVE

ED CATAOAN TAYON DEL ROSARIO.

Vírgen á masimpit, raraycala,
 Vírgen á Inami, raraycala,
 Vírgen á maraquep, raraycala,
 Raraycala, Vírgen tan Reyna.

Pianap da natay tolong mo
 Macaanan lay mapangaco
 Na saray inpaalis diad mundo
 Masegsegang iran Anac mo.

Pueteg macasalanan cami;
 Bang balet ta sicay Ina mi,
 Gano ca pa, ó mapangasi
 Ag mo i-ited á paolian cami.

No lapud casalanan mi ra
 Et milacsay nepueg min dusa,
 Say tolong mo tan panguiapa
 Taoaguen min ag cami onsaoa.

Say caquelquelaoan á Jesús mo
 Masamit á bonggan binudbud

Ed sancasimpitan á egues mo
Ipanenḡnenḡ mo pan mapaaro.

Saratay matam á mataoen,
A napnoray pangabaguey,
Sicami pay selenḡuen

Ed naynay min pan éy éy.

Ah mapanḡaco! ah macaramba!
Tolonḡ mo pay gamoran da
Na casalanan á talba

A ontaoag ed sicay pangampaya.

Lináoam pa á lapud Rosariom
Nilabay mandazal, patolonḡ
Natan, tan laot náani no
Onsabi horas ton caocom.

Amin mi ombagat ed sica
A mandazal, Vírgen á Ina,
Na Rosariom ed marlanḡ á lináo
Angan say diablo y mansamsamba.

Ta amta min, say Rosariom
So malmalet á golonḡ-golonḡ
A pamalor mon ag nasaeó
Ed Lucifer á managcoyonḡ.

Say labin liman á misterios
Labio liman rosas na lirios,
Sicaran matuan tambayoy
Irirap na toon macabos.

Natan quereoen mi pad sica,
Mataoen á Vírgen tan Ina,
Ta diad saray segsegang mi ra
Panangasim deoreoan cami pa.

HIMNO

SANCASANTOSAN Á VÍRGEN DEL ROSARIO.

CORO.



*Igalang á idangōay Emperatriz ed taoen
 Madwinon arpa yo natan togtoquen,
 Tan balanguetan yoy masnag ton moling
 Na ag nalenes á rosas ag laos ompatey.*

I.

Raraycala; oh Vírgen! á masiay taoen,
 Esiab tan lingas moy labas nen agueo
 A diad mundo nian dayat á magueogueo,
 Sicay biteoen tan puerton andi atapuen.

Liquet can mamablic et toon maermuen
 Naquelep na panaon á macapainaguem
 Tan malactacot á sanoc na laoen
 Singa say bunlalacao ed nagquet á luren.

Igalang á idangōay, etc.

II.

Ta no, say lasi tan carol manguigagaem
 A iegueeg ton teracan lay dalin,
 Sabalet rosario á mangatataoen
 Tan gangan mon Ina so onsalin mamuegley.

Tan si Guzman, taga-Españan Apóstol,
 Imbaoag tod mundoy maamot á secretom

A impulpuree to ed inpanpolong
Mataoen á bisqueg na quinlong á Rosariom.

Igalang á idangoy, etc.

III.

Ined laman natay bantog á nación
A nanoley ed Bisancio, tan diad letacan
Say pacayari toy inanggad seslecan
A pagpaingueloy dalin dayat man?

Ined langas ton may Estandarte tureo,
A inaoitoy quelico tan aguel na too
Ed casangpotay dalin legán day biong ton
A macagugugio ed simoon á mundo?

Igalang á idangoy, etc.

IV.

Inatey... A say mabayanin Castellano
Masiglat singa lioaóa nen Febo
Pinequiab ton sinabat tan intabon tod
Dayat na Griego so letacan á langas to.

Tan nibueliao ya say mapangasin taoen,
Pinaabig ton intactae diad Lepanton tao
So laoas pacanonot tan naspol á dayeo
Na sayan panalo lapod siea joli Virgen!

Igalang á idangoy, etc.

V.

Ella raman natay ancabaleg á Nanarian
A impallis day aron lapud ibueg dad laoan,

Tan diad cairapan da tan casegsegangan.
Bocod tinmaoag ed aniton Belial.

Atanao ira... Ta say sanoc na Dios,
A singa baguion manal á limbosabos
Impalid tod incayat carimdimlan daboc,
Queran dumsis na bilay ran bugcalot.

Igalang á idangōay, etc.

VI.

Ag aquialig so Ibali, á manangarey
Del Rosario tan mamisterion bolaelae to,
A diad caermuenan, pait na segsega to,
Bocod so onquereo na tolong moy amta to.

No diad inmayegmueg ag naguiing á dalin,
Tan say apuy so caabongān day nisen,
O no say lasi tiponen ton atolen
Ed libued libued to so maroesan patey.

Igalang á idangōay, etc.

VII.

No say gagaem na cañon day Holandes
A mamaldeg na morallas ton malmalet,
O no say Cavite, lapod tacoto ontayegteg
Ed eguég na paltog á mamatey á pueteg.

Bocod moy acooatanizay Ibali na panalo to,
Ta bocod mo lanti ilalo tan liglioā to;
Tan say Rosario, malaoen á secretō.
So anguilaban ed angaan á catonac to.

Igalang á idangeay, etc.

VIII.

Gali sirin manaayam ed sansinacohan,
 Galin mananisia dagup cayon cabaleyan,
 Tan diad simbaan bansaguen á magalang
 Idagoad Vírgen canta ton andi angaan.

A dimay lapuan da ed tronoy Dios
 Say Rosario tan ancabaleg á misterios,
 A diad dalin á dagup day católicos,
 Iviva ran andi ebas Vírgen á matood.

Igalang á idangōay, etc.



HIMNO

Á SARAY BANTAY NA SANCASANTOSÁN Á
MARÍA DEL ROSARIO CACANTAEN DAD VÍR-
GEN A CATAOAN TAYO ED SIMBAAY SAN
PABLO, TAN SANTO DOMINGO ED ÉCIJA.

*Bantay, bantay, tataoaguen nen María,
Pacaiqueguet yoy rosarion ayura
Ta say infiernos agueo agueo mansansamba,
Campilan tayor Cruz diad bacal gali la.*

Diad bacal mananalon maibabacal,
Diad bacal, lapod María, so panaloan,
Diad bacal, diad bacal, managbantay,
Ta tinmanolay trompetan manqueliao.

Ag ti iaboloy á nataldengay galang
Na Inay Dios á sancamapangasian,
Pasiayapuen ti, inguen, tan pacaralosay
Camarerua tayo ed aro ton sancablian.

Bantay, bantay, etc.

Sambaan mi, á Señora mangatataoen,
On: sambaan miy manguibuyac ed dalin
Na pananisiad sica á sileo na taoen,
Maandon bilay na dinuza oarid patey.

Napno cay gracia, maraquep á Vírgen
Tan bendita can bocod ed biyn amin,

Ta bagbaguen moy casegsegangad dalin
Bangla iapac na salim caonatay Lucifer.

Bantay, bantay, etc.

Salve, salve. diad Lepanto imbueliao
Na España nen taloen toy sultan,
Tan patuequen toy African maraoál
Salve, salvey, inoli oli tod Tetuan.

Salve, salve, María, natan muet cantaen,
Tan ibuelbueliao na inarom á baley;
Sican, sica laos sileo ton tomtomboquen
Say Rosariom so banderan caramay to.

Bantay, bantay, etc.

PATANID.

Pataniran ca la, Reynay taoen,
 Ya acoronaay bibituen;
 A Dios, Ina min galgalanġuen,
 A Dios, á Dios, á Dios Vírgen.

Patanir ac, ta nitan lay sachong
 A sanib na lupan á maronunġ,
 Et poso mi balet napapanoy
 Nanguis, ermued ag pacapitipon.

A Dios, Inac á sancamaaruan,
 Abong na Dios santón ayaman,
 Lapud Rosariom ited mo pay
 Magnayon laos á quiralaban.

